

## Ang Pakikinabang

**Pari:** Sa tagubilin ng mga nakagágaling na utos at turò ni Jesús na Panginoón natin at Diyós, ipahayág natin nang lakás-loób:

**Bayan:** Amá namin, sumasalangit ka, Sambahín ang ngalan mo. Mapasaamin ang kaharian mo, sundín ang loób mo dito sa lupà, para nang sa langit. Bigyán mo kami ngayón ng aming kakanin sa araw-araw. At patawarin mo kami sa aming mga sala para nang pagpapátawad namin sa nagkakasala sa amin, at huwág mo kaming ipahintulot sa tuksó, at iadyâ mo kami sa lahát ng masamá.

...

**Bayan:** Sapagká't iyó ang kaharian at ang kapangyarihan at kapurihán magpakailanmán.

**Pari:** Ang kapayapaan ng Panginoón ay laging sumainyó.

**Bayan:** At sumaiyó rin.

**Pari:** Magbigayan kayó ng kapayapaan sa isa't-isa.

**Bayan:** Kordero ng Diyós, na nag-aalis ng mga kasalanan ng sanlibutan, maawa ka sa amin.  
Kordero ng Diyós, na nag-aalis ng mga kasalanan ng sanlibutan, maawa ka sa amin.  
Kordero ng Diyós, na nag-aalis ng mga kasalanan ng sanlibutan, ipagkaloób mo sa amin ang kapayapaan.

**Pari:** Itó ang Kordero ng Diyós na nag-aalis ng mga kasalanan ng sanlibután. Mapalad ang mga ináanyayahan sa kaniyang piging.

**Bayan:** Panginoón, hindi akó karapat-dapat magpatulóy sa iyó, nguni't sa isáng salitâ mo lamang ay gagaling na akó.

## Awit sa Pakikinabang

### Panalangin Pagkapakinabang

#### Paghayò sa Pagwawakás

**Pari:** Sumainyó ang Panginoón.

**Bayan:** At sumaiyó rin!

**Pari:** At pagpalain nawâ kayó ng makapángyarihang Diyós: Amá, ✚ Anák, at Espiritú Santo.

**Bayan:** Amen!

**Pari:** Humayò kayó sa kapayapaán upang mahalín at paglingkurán ang Panginoón.

**Bayan:** Salamat sa Diyós!

## Awit sa Paghayò

Ang teksto ng Misa sa Tagalog © 1982 Panayám ng mga Obispong Katólíko sa Pilipinas, Lupon Rehiyonál ukol sa Tagalog sa Litúrhiya  
Hatíd sa inyó ang gabáy na itó ng [www.magsimba.com](http://www.magsimba.com). Litúrhiya. Filipino. Doón matatagpuán ang mga Pagbasa at minúmungkahing awitin sa Misa.

## GABÁY NG BAYAN SA BANÁL NA MISA

### Pasimulá

#### Awit sa Pagtitipon

**Pari:** Sa ngalan ng Amá ✚ at ng Anák at ng Espiritu Santo.

**Bayan:** Amen.

**Pari:** Ang pagpapalá ng ating Panginoóng Hesúkristo, ang pag-ibig ng Diyós Amá at ang pakikipagkaisá ng Espiritu Santo nawá'y sumainyóng lahát.

**Bayan:** At sumaiyó rin.

**Pari:** Mga kapatíd, aminin natin ang ating mga kasalanan upang tayo'y maging marapat gumanáp sa banál na pagdiriwang.

**Bayan:** Inaamin ko sa makapángyarihang Diyós, at sa inyó, mga kapatid, na lubhâ akóng nagkasala sa isip, sa salitâ, sa gawâ at sa aking pagkukulang. Kayâ isinasamo ko sa mahál na Birheng Maria, sa lahát ng mga anghél at mga banál at sa inyó, mga kapatíd, na akó'y ipanalangin sa Panginoóng ating Diyós.

**Pari:** Kaawaán tayo ng makapángyarihang Diyós, patawarin sa ating mga kasalanan at patnubayan tayo sa buhay na walâng hanggán. **Bayan:** Amen.

**Pari:** Panginoón, kaawaán mo kami.

**Bayan:** Panginoón, kaawaán mo kami.

**Pari:** Kristo, kaawaán mo kami.

**Bayan:** Kristo, kaawaán mo kami.

**Pari:** Panginoón, kaawaán mo kami.

**Bayan:** Panginoón, kaawaán mo kami.

#### Papuri sa Diyós sa Kaitaasan

Papuri sa Diyós sa kaitaasan at sa lupa'y kapayapaan sa mga taong kinalulugdán niyá. Pinupuri ka namin, dinarangál ka namin, sinasambá ka namin, ipinagbubunyi ka namin, pinasasalamatán ka namin dahil sa dakilâ mong angking kapurihán.

Panginoóng Diyós, Hari ng langit, Diyós Amáng makapangyarihan sa lahát. Panginoóng Hesukristo, Bugtóng na Anák, Panginoóng Diyós, Kordero ng Diyós, Anák ng Amá.

Ikáw na nag-aalis ng mga kasalanan ng sanlibután, maawâ ka sa amin. Ikáw na nag-aalis ng mga kasalanan ng sanlibután, tanggapin mo ang aming kahilingan. Ikáw na naluluklók sa kanan ng Amá, maawâ ka sa amin.

Sapagkát ikáw lamang ang banál, ikáw lamang ang Panginoón, ikáw lamang, O Hesukristo, ang Kataas-taasan, kasama ng Espiritu Santo sa kadakilaan ng Diyós Amá. Amen!

#### Panalangin Pambungad

### PAGPAPAHAYÁG NG SALITÂ NG DIYÓS

#### Unang Pagbasa

...

**Tagabasa:** Ang salitâ ng Diyós.

**Bayan:** Salamat sa Diyós.

### Salmong Tugunan

#### Ikalawáng Pagbasa

...

**Tagabasa:** Ang salitâ ng Diyós.

**Bayan:** Salamat sa Diyós.

#### Pambungad sa labás ng Apatnapung-Araw (Kuwaresma)

**Bayan:** Alleluia, alleluia, alleluia !

#### Pambungad sa loób ng Apatnapung-Araw

**Bayan:** Luwalhati at papuri sa iyó, Panginoóng Hesukristo!

#### Mabuting Balitâ

**Pari:** Sumainyó ang Panginoón.

**Bayan:** At sumaiyó rin.

**Pari:** Ang mabuting balitâ ng Panginoón ayon kay \_\_\_\_\_

**Bayan:** Papuri sa iyó, Panginoón.

...

**Pari:** Itó ang mabuting balitâ ng Panginoón.

**Bayan:** Pinupuri ka namin, Panginoóng Hesúkristo.

#### Homilya

#### Pagpapahayág ng Pananampalatayâ: Credo ng Nicea

Sumásampalatayâ akó sa isáng Diyós, Amáng makapángyarihan sa lahat, na may gawâ ng langit at lupâ, ng lahat ng nakikita at di nakikita.

Sumásampalatayâ akó sa iisáng Panginoóng Hesúkristo, Bugtóng na Anák ng Diyós, Sumilang sa Amá bago pa nagkapanahón, Diyós buhat sa Diyós, Liwanag buhat sa liwanag, Diyós na totoó buhat sa Diyós na totoó, Sumilang at hindi ginawâ, Kaisá ng Amá sa pagka-Diyós, Dahil sa ating pawang mga tao, At dahil sa ating kaligtasan Siyá ay nanaog mulá sa kalangitán, Nagkatawáng-tao siyá, laláng ng Espiritú Santo Kay Mariang Birhen at naging tao, Ipinakó sa krus dahil sa atin, Nagpakasakit sa hatol ni Poncio Pilato, Namatáy at inilibing, Mulí siyáng nabuhay sa ikatlong araw, Ayon sa banál na kasulatan, Umakyát siyá sa kalangitán, At lumuklók sa kanan ng Amáng Maykapál, Paririto siyáng mulí na may dakilang kapangyarihan, Upang hukumán ang mga buháy at mga patáy:

Sumásampalatayâ akó sa Espiritu Santo, Panginoón at nagbibigáy-buhay, Na nanggagaling sa Amá at sa Anák, Sinasambâ siyá at pinararangalan, Kaisá ng Amá at ng Anák, Nagsalitâ siyá sa pamamagitan ng mga propeta.

Sumásampalatayâ akó sa iisáng banál na simbahang katolika at apostolika, Gayundín sa isáng binyág, sa ikapagpápatawad ng mga kasalanan, at hinihintáy ko ang muling pagkabuhay ng nangamatáy, at ang buhay na waláng hanggán. Amen.

#### Panalangin ng Bayan

...

**Namumunò:** Manalangin tayo.

**Bayan:** Dinggin mo, Panginoón, ang aming panalangin.

## PAGDIRIWANG NG HULÍNG HAPUNAN

#### Awit sa Pag-aalay ng mga Handóg

**Pari:** Kapuri-puri ka, Diyós Amáng lumikhâ ng sanlibután. Sa iyóng kagandahang-loób, naritó ang aming maiaalay. Mulá sa lupâ at bunga ng aming paggawâ, ang tinapay na itó para maging pagkaing nagbibigáy-buhay.

**Bayan:** Kapuri-puri ang Poóng Maykapál ngayón at kailanmán!

**Pari:** Kapuri-puri ka, Diyós Amáng lumikhâ ng sanlibután. Sa iyóng kagandahang-loób, naritó ang aming maiaalay. Mulá sa katás ng ubas at bunga ng aming paggawâ, ang alak na itó para maging inuming nagbibigáy ng iyóng Espiritú.

**Bayan:** Kapuri-puri ang Poóng Maykapál ngayón at kailanmán!

#### Panalangin ukol sa mga Alay

**Pari:** Manalangin kayó, mga kapatid, upang ang paghahain natin ay kalugdán ng Diyós Amáng makapángyarihan.

**Bayan:** Tanggapin nawâ ng Panginoón itóng paghahain sa iyóng mga kamáy sa kapurihán niyá at karangalan, sa ating kapakinabangan at sa buóng sambayanan niyáng banál.

#### Panalangin ng Pagpupuri at Pagpapasalamat

**Pari:** Sumainyó ang Panginoón.

**Bayan:** At sumaiyó rin.

**Pari:** Itaás sa Diyós ang inyóng pusò at diwâ.

**Bayan:** Itinaás na namin sa Panginoón.

**Pari:** Pasalámatan natin ang Panginoóng ating Diyós.

**Bayan:** Marapat na siyá ay pasalamatán.

**Bayan:** Santo, santo, santo, Panginoóng Diyós ng mga hukbó, Napupunò ang langit at lupâ ng kadakilaan mo, Osana sa kaitaasan! Pinagpalá ang naparirito sa ngalan ng Panginoón. Osana sa kaitaasan!

...

**Pari:** Ipagbunyí natin ang misteryo ng pananampalatayâ:

**Bayan:** Aming ipinahahayág na namatáy ang iyóng Anák, nabuhay bilang Mesiyás at magbabalik sa wakás para mahayág sa lahat.

o

**Bayan:** Sa Krus mo at pagkabuhay, Kami'y natubós mong tunay, Poóng Hesús naming mahál, ilitás mo kaming tanán ngayón at magpakailanmán.

o

**Bayan:** Si Kristo ay gunitaing sarili ay inihain bilang pagkai't inuming pinagsasaluhan natin hanggáng sa siyá'y dumating.

...

**Pari:** Sa pamamagitan ni Kristo, kasama niyá at sa kaniyá ang lahat ng parangál at papuri ay sa iyó, Diyós Amáng makapángyarihan, kasama ng Espiritú Santo magpasawaláng hanggán.

**Bayan:** Amen!